



Tel: (+99876) 465-20-78,

Fax: (+99876) 465-21-55
email: i.qumqurgon@s
ud.uz

А Ж Р И М

**Қумқўрғон тумани
2302/2179-сонли иш**

2023 йил 13 июль

4-1904-

Қумқўрғон туманлараро иқтисодий судининг судьяси Ш.Ғозиев раислигида, судья ёрдамчиси А.Тошхўжаев котиблигида, кенгаш вакили А.Туляев иштирокида, даъвогар Сурхондарё вилоят Фермер, деҳқон хўжалиги ва томорқа ер эгалари Кенгаши **“Дусан Бобо”** фермер хўжалиги манфаатида жавобгар “Термиз Жайхун Кластер” МЧЖга нисбатан берилган берилган даъво аризасини, ўз биносида, очиқ суд мажлисида кўриб чиқиб, қуйидагиларни

а н и қ л а д и:

даъвогар Сурхондарё вилоят Фермер, деҳқон хўжалиги ва томорқа ер эгалари Кенгаши **“Дусан Бобо”** фермер хўжалиги манфаатида Қумқўрғон туманлараро иқтисодий судига даъво аризаси билан мурожаат қилиб, “Термиз Жайхун Кластер” МЧЖ ҳисобидан **101.040.000** сўм асосий қарз ва **57.794.880** сўм пеня ундиришни сўраган.

Кенгаш вакили даъвони қаноатлантиришни сўради.

Фермер хўжалиги ва жавобгар вакили суд мажлисига келмади.

Суд кенгаш вакилининг кўргазмасини тинглаб, иш ҳужжатларини ўрганиб чиқиб, қуйидагиларга асосан даъво аризасини кўрмасдан қолдиришни лозим топади.

Иш ҳужжатларига кўра, Қумқўрғон туманлараро иқтисодий судининг 4-1904-2302/2476-сонли иқтисодий иш бўйича суднинг 2023 йил 10 июлдаги ажримида кўра “Термиз Жайхун Кластер” МЧЖга нисбатан тўловга қобилиятсизлик тўғрисида иш қўзғатилган.

Ўзбекистон Республикаси Иқтисодий процессуал кодексининг 107-моддаси 9-бандига кўра, жавобгарга нисбатан банкротлик тўғрисида иш қўзғатилган бўлса ва жавобгарга нисбатан тақдим этилган талаб қонунга кўра банкротлик тўғрисидаги иш доирасида кўрилиши лозим бўлса, суд даъво аризасини кўрмасдан қолдиради.

Қайд этилганларга кўра суд, даъво аризасини кўрмасдан қолдиришни лозим деб топади.

Ўзбекистон Республикаси Иқтисодий процессуал кодексининг 118-моддаси биринчи қисмига кўра, суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.

Бироқ, Ўзбекистон Республикаси Президентининг 2017 йил 10 октябрдаги ПҚ-3318-сонли қарорида даъво аризасини қаноатлантириш рад этилганда манфаати кўзлаб даъво аризаси киритилган фермер, деҳқон хўжаликлари ва томорқа ер эгаларидан давлат божи ундирилмаслиги белгиланган.



Юқоридагиларга асосан ҳамда Ўзбекистон Республикаси Иқтисодий процессуал кодексининг 107, 109, 118, 169, 195-196-моддаларини қўллаб, суд

а ж р и м қ и л д и:

Даъво аризаси кўрмасдан қолдирилсин.

Даъвогарнинг давлат божи тўлашдан озод этилганлиги инобатга олинсин ҳамда олдиндан тўланган почта харажатлари даъвогарнинг зиммасида қолдирилсин.

Ажрим нусхаси тарафларга юборилсин.

Мазкур ажрим устидан шикоят қилиш (протест келтириш) мумкин.

Судья

Ш.Ғозиев

